





200





ARTICLES

POVR PROPOSER

AVX ESTATZ ET FAIRE

passer en loy fondamentale
du Royaume.

L. 18773

Iouxtela Coppie,

1588.

ARTICLES

THE DE CERRY
LIBRARY

THE STATE

Collection of
the State

Case

F

39

326

1588a

Journal

1888

r.

ARTICLES P O V R
propose aux Estatz & faire
passer en loy fundamental-
le du Royaume.

QU E La Religion ca-
tholique Aposto-
lique & Romaine
comme ia elle est
sera declarée & recogneuë pour
le premier principal immobil &
plus solide fondement de ce Ro-
yaume treschrestien & de tous
les Peuples & pays qui sont &
seront de son obeïssance.

Le Concil de Trente soit receu
en tous ses Decretz & Canons,
concernants tant la foy & do-
ctrine que la discipline & refor-
matiō des meurs, sans preiudice

4.
toutesfois des droictz de l'Eglise
Gallicane, soubz l'ottroy &
confirmation de nostre saint
Pere.

Tous Editz, Ordonnances, Ar-
restz, Jugemens & coustumes se-
ront reglés au pied & conforme-
ment à la Foy & creâce & ioux-
te les Decretz de ladicte Eglise,
à peine de nullité.

Nul ne peut ny doit estre ad-
mis pour vray & legitime Roy,
ny successeur de ce Royanme &
dependances d'iceluy, s'il n'est
vrayement & entieremēt filz de
la susdicte Eglise, déclaré & re-
conneu tel par continuel exer-
cice de la Religion & pieté.

Nul issu du sang royal de quel
que costé estoc & ligne que ce

5.
fust, infect, gasté & corrompu
d'heresie ou fauteur & adherent
d'heretiques, soit capable de cete
te Couronne, ny d'aucun droit
en dependant, quelque preten-
tion que lon pourroit alleguer,
d'autant que les Roys de ce tres-
chrestien Royaume sont telz plus
par la grace de Dieu que par na-
ture.

Des maintenant come des lors
tous & chacun les subjectz & peu-
ples de ce Royaume, en cas que
le Roy tombast en heresie, ou la
soutint, ou permist directement
ou indirectement (que Dieu ne
vueille) sont declarez & tenuz
quittes deschargez & desobli-
gez de la suiectiion seruice & o-
beissancedues au Roy.

Ce Royaume & ses Roys tres-
crestiens ne pourront auoir con-
federation, association, intelli-
gence, pratique, alliance & ligue
auec les ennemis & aduersaires
de nostre Dieu & redempteur Ie-
sus Christ & de son Espouse no-
stre mere sainte Eglise Catholi-
que Apostolique & Romaine.

Les Roys de France ne se de-
partiront aucunement des ter-
mes, clauses, charges, conditions
& trāsactions du sermēt & com-
promis faict a leur Sacre.

Ne pourront vser plainement
de leur souueraine & Royale
autorité au parauant & iusques
à ce qu'ilz soient actuellement
oint & sacrez selon la forme &
à la façon de leur Predecesseurs

Treschrestiens , d'autant que la
 grace de Dieu qui accompagne
 & suit ladite onction sacrée, plus
 que la nature qu'ilz ont extrai-
 cte de leurs progeniteurs, leur
 donne & conserue droict à cette
 Couronne Treschrestienne. Ce
 pendant l'administration & re-
 gence du Royaume sera és mains
 de qui de droit & coustume doit
 estre.

Cette souueraine autorité &
 Rosiale Majesté ne doit estre es-
 timée tant absoluë & immédia-
 te qu'elle ne doit estre declarée
 contenue & arrestée dans les bor-
 nes & termes de la raison de l'e-
 quité & des Loix fondamenta-
 les du Royaume, autrement les
 Estatx generaux en cas qu'il y
 eust manifeste & dommageable

contrauention aux Loix que des-
 fus, comme Iuges cōpetants, prē-
 dront connoissance des maluer-
 sations & corruptions qui pour-
 roient aduenir au chef de ce no-
 ble corps de la France : & iuste-
 ment se maintiendront au droit
 & pratique de leurs Predeces-
 seurs vsants du pouuoir & de l'
 authorite de laquelle ilz ont pre-
 mierement reuestu leurs Rois &
 qui leur seroit deuolue.

Le Royaume & biens patimo-
 niaux & domainiaux d'iceluy
 sont tollement hors de commer-
 ce & inalienables nō en gros seu-
 lement ains aussi eu detail.

Le Roy comme espoux dotal
 deura vsfer du reuenu & des
 fruietz pour suruenir a ses affai-
 res

res & celles du Royanme reputé
& sensé comme son espouse de
quels le peuple est la famille &
enfants, tropz aloué par tropz

Nulz Gouuernemens Lieutenances
generalles de Prouince, Estat
de Iudicature venaulx: ains
par election, selon la forme
qui en sera aduisée & résolue au
dictz Estatz généraux. b y n, xulz

Chaque Prouince regie cha-
cun an par la tenue des Estat
z généraux des depürez des trois Or-
dres du pays, en la capitale de
chaque prouince, pour aduiser
aux occurrences, & si les Ordon-
nances faictes aux Estat
z de ce Royaume auront esté bien ob-
seruées. noino no no no no no

Les Duchez, Comtez & Mar-

quizens erigés depuis tel ou tel
temps supprimées & le nombre
reduit à l'ancien, pour les incô
moditez que cela apporte, que
les Deputez sçauront bien dedui
re & remonstrer.

La Guerre ny la Paix vniuer
selle en ce Royaume ne pourra e
stre conclud sans les Estats gene
raux, ny deniers leués a ces fins,
sans le consentement & auis des
dictz Estatz.

La confidence, Simonie, igno
rance & concubinage soient for
clus & bannis a iamais de l'ordre
Ecclesiastique par les voyes &
remedes mentionnes audict Cō
cil, & que la résidence des Pasteurs
soit estroittement enioincte.

D'electiō des Euesques & pre

lature Ecclesiastiques soit pratiquee selon l'Article des estatx d'Orleans article.1.

Les Seminaires pour l'instruction de la ieunesse, seront establis en tous lieux commodes selon la forme prescrite par les derniers Estatx tenuz a Blois. article.24.

Les dons ottrois & estatx & amplifications de pouuoir donner par le Roy, seront validés par les Estatx & confirmez ou inualidés.

Tous & chascun qui notoirement se sont enrichis du bien & sang du pauvre peuple ou autrement par moyens illicites & iniustes, rendront conte ausdits Estatx de leuts actions & exa-

etions ou par deuant les depu-
tez desdictz Estatz.

Soit requise & obtenue vne
chambre en chacune Court sou-
ueraine composée de personnes
esleues par lesdicts Estatz a la-
quelle les plaintes du peuple &
les contrauentions aux ordon-
nances desdictz Estatz generaux
seront rapportées & en cognoi-
stront en dernier ressort.

Que chascun ordre aura vn
Sindie general à la suite de la
Court qui receura les aduertisse-
ment memoires & instructions
par les Syndics prouvinciaux, &
lesdictz Prouvinciaux par ceux
de chaque Baillage principal,
pour procurer au cōseil du Roy
ce qui concernera le bien de l'E-

stat & des Prouinces.

Le Roy soit acquité, & son Estat dignement entretenu, & soit pourueu à la necessité en laquelle ce Royaume est reduict par mauuais mesnage, & pource soit ordonné que les biens des heretiques & autres comprins en l'edict de re-vnion soient acquis & reunis au domaine & des finâces mal employées le conte rendu par deuant les Deputéz pour les employer a ce que dessus, & à la solde de la Gendarmerie.

Le reste des remonstrances à faire sera remis au iugement & discretion des Messieurs les deputez esquelz nous souhaitons l'assistance du saint Esprit, pour avec modeste hardisse remōstrer

le mal d'un costé & la guerison
de l'autre, & ce sans flechir puis
qu'il va de la gloire de Dieu, de
la manutention del'Estat & du re-
pos public.

F I N.



